

149 *Nou gen rekonesans pou ranson an* (Lik 22:20)

1. Jewova, bon papa,
nou vin devan twòn ou
Paske'w demontre lanmou
ki san parèy pou nou.
Ou bay Pitit ou renmen an
pou'n gen lavi.
Se vrèman yon gwo sakrifis
ki te fè'w soufri.

(REFREN)

*Li bay lavi'l pou'n libere.
Se grasa san'l nou delivre.
Ak tout kè nou,
N'ap remèsye'w pou tout letènite.*

2. Jezi te bay lavi'l pou nou
ak kè kontan.
Lanmou pouse'l peye pri a
pou'n ka viv toutan.
San li, nou youn pa't gen espwa
jwenn delivrans,
Men kounye a, n'ap tann pou'n viv
san okenn soufrans.

(Refren)